

Christian Meivah



July - August, 2017

Lhani seh thuso

Private Circulation

Tun Jesu hung jeng taleh

Jesu hung kitna ding anai lhez tai, ti iheuve. Tutah chun hung tale Jesu lahtou lah-a napang na dem ! Kigel phan, christian khat hi khoh khoh-a, alaplel lah-a pang khan nate. Itih phat in hung jongle akigosa kahi, tihi nadinna hi sah in. Van gama nalahtou lou-a ahi leh Damun meidila nache tei din aume. Damun meidil in nakah kah jenga, lungtol hon naneh neh-a, thila thilou a nathoh thoh ding chu, napamai valle (Isa.66:24, Mk.9:44). “Damun chu alungtol jouse la thimo, ameikong jong mitmo ahi” (Mk.9:46).

Pakai Jesun, Pakai, Pakai eiti jouse vam gam lut theilou ding ahi, ati (Mt.7:21-23). Tunin, mi tamtah in sohcha kahitai, huhhing kahi tai, tin miho koma aseile len ahi. Hitia seiho hi phaten kikholu hen, van gam lut thei mong hitau vem ti chu kihet uhen. Pathen tenaa lhing nau vem, amale ama akikhol leh kihe nauvinte. Paul in kihetchetna dihtah ana nei-e (2 Tim.4:6-8). Jesun jong mihem lamjima chelou atame, anati (Mt.7:13-14). Lamjima chelou ho chu *chonsetna lampia* cheho ahi uvin, van gam achaa diu ahi.

Sohcha ahiloule huhhingsa tia ihet hou hi, Jesun achonset angai damsia tina ahi (Titus 3:5). Pathen le athu katahsane, tia seido mi tampi hi ajou thu ase i ahi, ti Jesun anahei (Jn.5:38-40). Pathenin mihem chon sete alungset behseh jeh in amaho sochatna din, vana um Pathen khat chu (Christa chu) mihem tahsa mel pun ahin sol-lhan, mihemte ahung huhdoh sah-e (Col.2:9, Gal.4:4). Paul in Pathen chu mihem tahsaphen ahung kilange, anati (1 Tim.3:16).

Pathen in eipeh-u sochatna hi manbei (free) ahin, ahinla Pathen in aman apei. Jesu longin achoh doh ahi, hijeh hin aman vang atame (1 Pet.2:21-24). Mi athisa hinsah kit'a puitouna dingle ahing ho lahtouna dia hungkit ding ahi. Akam tah-a Jesun anaseisa ahitai (1 Thess.4:13-17). Jesun ama tahsan jousen, kisihna le hinkho kile heina anei diu angaina anasei in, chule achonse ho Jesu mi na ngaidam chang louho amanthah diu ase i-e (Lk.13:3, Acts 2:38). Pa thenin Jesu chu cross ana otdoh sah pon, hibangma chun michonse hon jong Gospel (Hinna Thu, Kipana Thuhing) hi i-otdoh lou diu ahi (Heb. 5:7-8, Col.2:12-13). Pathen in so chatna lampi ihetchen sah tauve.

Pathen ihou diu dan

Tulai mi tampin, Pathen hi ama ama dei danin ahoutai. Dihtah a vang, Pathen hi ama dei banga hou ding ahijoi. Vannoi a mihem kistem tillai chun, Cain leh Abel in Pathen henga thilpeh ana choi lhone (Gen. 4:15). Ahinla Pathenin Abel thilpeh bou chu ana sanpeh in ahi. Abel in Pathen deilama Pathen ana hou jeh ahi. Israel ten leng anei masang un, ponbuh (Tabernacle) a Pathen ana houvui. Saul leng ahung hi phat in, ponbuh chu Jerusalem a hou-in in ahin khel tauve. Jerusalem hou-ina bou Pathen ahin hou tauve. Jesu a konin, eihon Jerusalem seh seh-a Pathen houna chu hita louvin, hoi koma hijongle Pathen ihou thei tau vin ahi.

John 4 a, Samaria numei nu leh Jesu kihou limnaa chun, amanun Pathen hoilai a akihou leh dihpén ding ham, tin ana donge. Ajeh chu hichenu pule paten Pathen houna dia mundih pen Samaria ahi anatiuvin, ahinla Jew hon Jerusalem hi Pathen houna mun dihpén ahi, anatiuve. Ahi leh Jesun amanu henga, “Numei nei tahsan in, nanghon Pa chu hiche mol chung jong hilou, Jerusalem jong hi deh louva nahou theina diu phat ahung lhunge” tin ana seipeh tai (Jn. 4:21). Atah beh-a seidin, ahouna ding mun khat seh chu thupi ahapon, vannoi a mihem tehon ama ama um na muna Pathen ahou diu chu thupi ahijoi. Hoilai a um jong leu, Pathen lung dei-a, Pathen ahovu ngai ahi.

2

Itih-a Pathen houding hiham ? Mose khang lai chun, Israelte chu Sabbath nikhoa Pathen ahouna diu thupeh ana ume. Hiche nia hi koima chan na atoh lou diu ahi (Exod. 20: 8-11). Hiche hi Mose khang miho bou dia anahi (Deut.5:2-3). Hiche thupeh Mose khang masanga ho leh Gentile ho kipe ahipoi. Jesun hiche thupeh hi cross a ana khetbeh ahitai (Col.2:4). Rom. 7 a, Paul in eiho hi danthu a thisa ihi tauvin, tua vang achom khat toh kicheng ihi tauve, (ama chu Christa) tin ana sei-e.

Kitepna Thah a eiho hi hap ta nikho masa nia Pathen houdin ei kitem ui. Church kipat tillai chun hap ta nikho masani hin ana kikhom jiu vin, hichu ijom peh-u ahi. Paul chu Troas mite toh hapta nikho masanin ana kikhomui (Acts 20:7). Paul in Corinth mite henga hapta ni masa nia kipehna (offering) abolna diu thu anapei (1 Cor.16:2). Hichen ase i hi hapta ni masani hi Pathen hou dia kikhopni ahi, tihi ahi.

Hiche nikho athupina hi, Jesun thina ajo-a athodoh ni ahin, hapta nikho masani jingkal matah in nupihou Jesu thilong chu thao nudin, Jesu thilong umna lhan-a ahung ui (Lk.24:1). Hiche ni mama hin mi ni Emmaus lampia anachen Jesun ama ni chu akihoulim pin ahi (Lk.24:13). Jesun seijui ho ana kimusah nikho jong chu hapta ni masa ni ahin, hiche nikho hin alah uva Thomas anapang pon ahi (Lk.20:19). Akit hapta ni

3

masa nin Thomas yaonaa Jesun sei juite ana kimusah-e (Lk.20:26). Chule Jesu houbung chu Pentecost nikhon ana kiphut doh in, hichu hapta ni masani ahi (Leviti. 23:15-16). Hiche masang hin, tichu Jesu tahsan aum akipat tillai in, christian hia mi atamjo chu Jew anahi jeh in, Sabbath nikho nin ana kikhomui.

Sei ngailou chapang

Idia anu apa mi thupi, hou lamkai ahi vanga acha sei ngailou umjia ham ? Alhangpin vang anu apa Pathen tahsan lama hat beh lou cha te sei ngaina lama alhasame. Pastor khat hi achanu gollhang khat toh akijamin ahile aman a-pastor hina a konin hai tange, tin lekha anasep-e. Phatea igel le chate aneo va kona phat atamjoa umpi hi anu joh ahijin, minu Pathena ahah leh achate apha tei jin ahi.

1. *Abang leh mipha khat chu minu pha le mipa pha ahipoi* : Mi nu le mipa abang vang kitim tah ahi jin, ahinla achate kitim nam ti ahe jipoi. Anu le apa houmi tah ho cha chu acham chama houmi hidin ila jiuve. Chate hon houmi hina hi anu apa thisana kona kilah theilou ahin, hijeh chun tollhanga amu baijet chon setna joh akilah jitai. Hijeh a hi, chate hi puilou, hillou, lamkai lou khoh ahi (Ezek. 18). Bible a Eli thempu chu Pathen hou-in thempu ahin, Levi mi khat ahin, Samuel chu Eli in ana lamkai in, Pathen ging mipha ana hisah-e. Ahinla Eli in ama

chate ni vang chu Pathen lama ana puipon, hijeh chun Pathen Eli chunga alung hangin ahi (1 Sam.2:12, 22-25, 3:13). Chate lhagao chu mantam ahin, anu le apan phatea Pathen lam a apui ngai ahi. Hiche hi aneo lai a pat ding ahin, alet jouvin vang kihil, kiphoh jongle geiji ahitai. Ahinla Pathen toh pankhoma semphat teina ding ngaito thei vang ahi.

2. *Minu mipa phatah ho cha phalou tah um thei ahi* : Anu apan ajo chana acha puidih agot vanga ajolou khat tou aum jie. Hichu ama ni Pathen toh apankhom lou jeh ahinome. Bible in mipa phatah hia ahivanga acha phalou thu jong ase in ahi. Hiche mipa phatah chu, koi ma dang ahipoi, Pathen ahi. Bong in apu ahen, sangan in apupan asah peh akul akihet in, Israel in vang kei eihepoi, tin Pathenin ana sei-e (Isa. 1:2-4).

Apa Pathen kihet dohlou Pathen cha aume. Sei ngailou Pathen cha iti umkhah hintem ? Ajeh chu Pathen in, achate hi chamllhatna ana peh khah jeh ahi. Pathen in mihem alungset behseh jeh in, songkul a ki hen bahsah louvin, apha ase akilhen theina ding chamllhatna anapei. Chamllhatna mangkhela Pathen dou na nei mi aum tengle Pathen lung ana lseh jie. Jesun ama tahsan hon ahina ding dol tah a ajui diu chu abai poi, ahah vang ahi thouve, tia miho koma anasei chun, angailu atamjon adalha tauvin, hiche phat chun ase jui 12 ho henga nanghon jong nei dalhah

diu ham tin ana donge (John 6:67). Pathen in chamllhatna eipeh uhi, mankhel sanga ama kipana dia man ding joh ahi.

3. *Lunglha louvin, kinem in* : Anu le apinun Timothy mi anaso sah-e (2 Tim. 1:5). Nalhahsamna nagel gela, nalung nahopsah lou ding ahi, Pathen toh pangkhom in, gal najo ding ahi (Prov.22:6). Pathenin mi phalou ho semphatna din, Jesu hung kit ding phat avochon jep-e. Hiche sunga hi koi koi hijong leu hen iki semphat diu apha (2 Pet. 3:9). Paul chun amite setna apohnat dan anasei in ahi (Rom.9:2-3). Pastor in houbung mite setna ho apolel in, minu mipan achate setna ho aponai. Insung taokhomna akiman phat leh minu mipan achate aminchek apha uva ataopeh ule mise jong mipha asosah thei-e.

Judon phatlou dan

Tulai in dumchep (churup, biri chep) mi khat tou akimu leh aki melkhit jitai. Mikhangtou lou akihi sah-e. Jachatna tah in akilai. Hiche bangma chun, judon le ju kham khat tou akimu leh 'bol lou ding bolpa ahiloule bolnu' in akigel jie. Tukhanga miho hi thepna chihna thupina lama kitet ahitah jeh ahitai. Khamna thei don hihen neh hijongle apha bep aum theipon ahi. Hiche a konin mi khat lhoh asen, lungchang asusen, thajung atongkhan, sum aheh in, thin le kal asen, cancer nat

4

jat chom chomin mi anat sah in, ki nah kibao atamsah in ahi. Ipi ham aphaatna ! Bua nganse theilou, twi a nganse theilou thil ahi. Christian june hon, Paul in jong Timothy henga na damna din ju don in atinai tin mi anel jin ahi (1 Tim.5:23). Tulai june hon ju hi damna ding tia ahai ahai-a athol lhah diu ham ? Lou hi ahai ahai a ki thol lha kimu khalou ahi. Ju themcha dona um thei mi koima aumpoi. Hi jeh hin judon hi tulai khanga ahi tapoi.

Bible phatea akisim leh ju don apha poi (Prov.20:1). Van gam lut ponte, tin akisune (1 Cor. 6:9-10). Hou-in in atheida ho chu van gam in jong atheida thou ahi. Mi hi ju akham jouteng khohe akihe kha poi. Paul in Gal.5:19-21 sunga jong judon phat loudan ana sei-e. Thil phalou ho hi Pathena kon ahipon, mihem chonset lunga kon ahijoi, ti jong aphonng doh-e. Achutile judon ho hi Pathen deilou bol ho ahi. Tun aphaat lou dan hetchetna din Bible chang ho hi sim un, Eph.5:18, 1 Thess. 5:22, 1 Cor.3:16-17, 1 Cor. 6:19-20). Christian khat in atipum pi chu thengsel in koihen tina jong, Rom.12:1 a akisune.

Pathen in mipha ahisah hon ju adon poi. Ajudon midang ngoh aumle ajou ase ahi. Ama aki tuhga le iti adon thei ding ham ? Ase chu otdoh-a, hia kona jamdoh ngai ahi. Christian dihtah in ju adonpoi. Bible in, ase chu donda vin lang, apha chu kolchah un ati (1 Thess. 5:21-22).

Chonset a kona jamdoh

Pathen thu-theng lekhabu Greek paova 'Biblos' kitia kona Pathen natoh thilsem, abol jouse kijihna, English paova, 'Holy Bible' tia aledoh-u eihon 'Pathen lekhabu theng' tia Kuki paova kile doh hi, 'Kitepna Lui' leh 'Kitepna Thah' tia akikhen vangin agoma lekhabu 66 ahin, athu hi akigop a achomlama akisei dingle, 'chonset a sohchang jamdoh ding' kihilna lekhabu ahidol, Potdohbu (Exod.) 12:37-42 leh John 14:1-14 sung mangin, alim mu thei in sei ute :

1. *Pathen gon chonset a kona jamdoh theina* : Pi le pu Eve le Adam chonset jeh in asohchang lhon tan, hijeh chun Pathenin chonset a kona ahuhhing ding ana seipeh tan ahi (Gen.3:15). Chonset jeh in Pathen in gim hesoh gentheina thina athoh sah tai. Chonset soh channa a kona jamdoh thei ding kihil nan, Abraham sonle pah ho kihilna thei din Pathenin Israel analhenge.

2. *Pakai Jesu hi chonset a kona jamdohna ahi* : Pathen in Abraham son ho amanchah a, chonset soh channa kona jamdoh theina lampi ahil molsonan, achapa Jesu eipeuve. Pakai Jesun chonset a kona jamdoh na thei ahilsoh keitan, chule tong jong atong doh soh kei-e. Chonset a kona jamdohna din, Jesu athin chu le ahing doh in, Hinna Kotpi chu ahong doh tai. Tun Jesu kisanna tah san jouse ahing thei tai.

3. *Mu theilou ahi ding chun, chonset a kona jamdohje eihil uve* : *Khat* chu, chonset a kona jamdoh theina ding lampi ama bou ahi. *Nina* chu, Pathen kom lhunna dia Atah (Thutah) pansatna nei angai-e (John 1:14). *Thumna* chu, Pathen koma lutna dia Pathen Hinna Lhagao chu nei ding ahi.

Chonset sohchanna jamdoh ding kihilna dinga Egypt a kona jamdoh Israel nam mite hinkhoa kona kihilna dia geldoh ding chu - *khatna a*, Kalchuh Kut ankong chu ahin, *aninaa* Egypt a patna Canaan gam jot ding chu ahin, chule *thumna* a Canaan gam lhuntei teina dia kiha bol chu ahi. Egypt a cheng Israel te chun, hiche thum ho ajui kim louvule Egypt a asohchan nauva kona kilha ong lou diu anahi.

Tunia jong eihon, Lampi hia Jesu Christa Thutah a ipansat diu, chule Hinna Lhagao Pathena kona inei teina diuva ikihabolu ngai ahi. Jesu Lampia chelou chu, van gama lut louhel ding ahi. (Dr. T. Lunkim)

Tahsan kicheh phatchomna

Egypt a Muslim pasal khat in, ajinun Bible asim ji chu ajah dan, amanu chu anathat in ahi. Avui ni chun anu noi chep nalai naosen leh aunu kum 8 nu jong chu ahingin ana vuithai. Chuin Police henga, ka inko te khat in athumun athat tauve, tin ana sei-e. Ni 15 jouvin, akhomi hou khat athin, avui-a acheuva lei alai ule

pasalpa chate ni ahinga kivui chu alai doh un, ani lhonin ana hing nalai in ahi. Mipi chu alung hang un, pasalpa hi thadohna theina din, akihou tauve. Mihon aunu henga hi itia hing thei thei lhon ham, tia adoh leh ama nun, von akang jenga kivonpa akhut thisan maat khat niseh in ahung jin, kanu chu athoudoh jin, acha chu noi ahepsah jin, chule kei jong neh ding eipe jie, ama hi Jesu hitei inte, ajeh chu midang koiman hitobang thil kidang bol ponte, anati.

Paocheng kiminsah dan

1. *Mahpa* : kiti hi mi tamtah in imah jeh-a mahpa kiti ahi, atiuve. Hichu ahipoi :

- Ichanu jipa chu officer, mihao tah hithei ahi. Mah theilou jong aume.
- Ichanu jipa chu *katupa* tidin jong ichanu sungpeng hilou ahin, tupa ti thei jong hilou ahi.

- Sopi, tidin la chidang namdang ahin, hijeh chun akouje kahepoi, akouje kamah-e, tutadi dingin akou je kamah-e, tina a kouje kamah Mahpa ti tange, tia kona mahpa tia hung kisah doh ahi.

2. *Meithai* : Ichapa jinu chun cha khat le ni bep anei jouvin ajipa (icha pa) chun thisan taleh nungkih ding ahitai.

- Hiteng chule atehpu hipa'n, amou nu chu a-it'a alho-a, 'Boinu kinung le kitda tan, *namei kiti phat tan*, tina a kona (meithainu), mei-thai, tia hung kisah doh ahi, akiti.

3. *Sulle* : Dan thenga kicheng ho chongmou hailaama (hai-a thao kikoi) kicheng hon man khuma ache kit tengule *Sul-le* kiti ahi. Sul (sool) kiti hi hampa jat khat min ahin, bong hon achotpha tengule kondan jia hichu kiphong jang kit, hichu sulle tia kihe ahi. Phatecha deitah-a kipui ho bou chu Sulle kiti ahi.

Dan louva, dantheng louva kicheng ho ahi leh Inlut tin akisei-e. Ajeh chu inlut kiti chu ngaidam thum na puma, mi noi-a, ipute anga kuna (lut) a kona inlut tia min kisah doh ahi.

4. *Naodop an* : kiti hi nao dom ho agenthei ho an nehpi, an neh khom na ahin, naodom ho an tina ahi.

5. *Nao andop* : akiti teng leh naovin an aneh thei-a, naovin an akidop thei teng, api apute ham anu apa ham in nao andop tia an nehkhomna abol peh-u chu ahi (Birthday kibol tobang ahi).

6. *Kitimat* : kiti hi numei pasal lupkhom chu kitimat kiti ahin, tulai khang-thah ho lah-a kipum khat, ki sungse tinaa mang jong aum tauvin, jachat jong aum ngap-e. (*Pao man dan thep aphan, pao hi ching thei tah in ahina dolin kimang le pha lleh inte*).
-Rev. Seikholen-

.....
2011 kum chun christian nungah khat Shillong a athin, avui kon un phot lot in ahung kithou doh in, '*Jesu hungna ding anaitai*' tin ase in, chu in athi pai kittai.

Lengpa leh a-uicha

Lengpa khat in uicha som anei-e. A noi-a natong ho adeilou aum tengle uicha ho chu alha khum jin, atha sah jie. Lamkai pasal khat in lengpa henga ama lunggel anasei a ahileh lengpa geltoh akitoth pon, hijeh chun uicha ho lah-a selut din thu ana lhuh sah tai. Pasal pa chun lengpa henga, ‘Jana nei tah a kum 10 nangma kahin jen lo hi, uicha lah a selut ding neiti hitam ! Hijongle ni 10 phat neipe masan lang, chujou leh neisep lut tan, tin ana taovin ahi leh lengpan nisom jouva uicha lah a selut din aphot sah tai.

Passal pa hi mi lungthim pha khat ahi jeh in, uicha som ho vahpa henga achen, ‘tukal ni som sungin keima uicha ho hi neh le chah neipeh sah in, nakithopi inge’ agatin ahileh ui jenle pa chun kidang asan, anop peh tai. Pasal pa hin hiche nisom sung chun uicha ho chu phaten avah in, ajut lelen, asil thengun, akichep pin, akipa sah un, ahi.

Lengpan ni som jou chun pasalpa chu uicha ho neh doh din aselut sah in ahile, uicha ho chun amapa chu aleh un, amei-in ajut leuvin, kipah tah in, akichom chom un ahile amu jousen kidang ana sauvin ahi. Lengpa chun pasalpa chu lung hang tah in akouvin, ‘Ipi nabola ka uichan natha lou ham’ tia adoh leh pasal pa chun, “Lengpa, ken uicha ho hi nisom bou kajen leh ama

7

hon, eikipapi uvin, eingailuvin ahin nangma hi kum 10 kajenin, ahinla kabol khel khat seh jeh in neisumil in, kadatmoi” tin ana donbut tai. Leng pa chun, athil bolkhel chu akihet doh in, uicha som khelin ole (crocodile) som lah-a pasalpa chu aselut sah in, ahinkho akichai thou thouve. Hiche a kona ihetdoh diu chu, ‘Mi lungthim phalou khat in bol tange ati leh thu dih ahol jipoi’ hijeh a hi thil (mi) phalouva (satan) a kona kikangse apha pene, tihi ahi.

Songtum te peng ding

Bible thu hi adih in, thusim chedan jong adih ahi, tihi Palestine gamsunga leinoin thil hol hon, kum tampi ahin hol chil nauva konin, adih dan akihei.

1. Abraham in Pathen houna maicham phung khat ana seme, tia Genesis a kisun chu Shechem muna leinoin lai hon, adihna ahodoh tauve (Gen. 12:6-7). Kum 4000 masang chun Pathen tahsan pului ho hikom a ana chengui, ti akihetai.

2. Palestine alailung lam kilainaa Phoenecia miten ana sut songpheng khat akimu doh in, hia chun Ekron kiti khopia Philistine ten Kitepna Thingkong (Ark of Covenant) ana pomang un akoi ui, tia kisun akimui (1 Sam. 5:1-10).

3. Israel noilama um Masada kiti muna, kum 2000 vel sunga thilnen kise ho asutheng un ahile, jubel len tah khat amudoh un, achunga chun

8

Insung nupa kitho thei

Pathenin, mihempa achang seh-a aum hi anom poi, akithopiding, aki-angtopi thei khat sempeh inge, ati (Gen. 2:18). Kichen kiti hi Pathenin mi phatthei abohna ahi. Hiche hi kitho-them teni, tia jong seithei hinte. Thilpha khat boldohna dia kitho them, pankhom, kilungto na ahi. Pathenin ana thenso kichen kitia hin jinu khat le jipa khat apange. Amani hi numei khat le pasal khat ahipon, numei khat le numei khat ahipon, pasal khat le pasal khat jong ahipoi. Jinu khat le jipa khat ahijoi.

Paul in Rom. 1:24-28 sunga ase tai. Hijeh a hi Adam in Eve chu “Kagu kachanga kon, kaphe kavoua kiladoh ahijeh a, ‘Numei’ kiti ding ahi” tin, ana phong doh in ahi (Gen. 2:23). Pathenin gancha ganhing tam pi jong ana sem ahin, khat cha jong Adam toh pangkhom thei ana um pon, hijeh a chu Pathenin lungkhat tah-a kithokhoma pangkhom din numei chu ana sempeh in ahi. Hijeh a hi nupa chu kithokhom, pangkhom, lungkhat-a longkhom hi ding ahi.

Pa le acha kingailutna sanga nupa kingailutna hi thuh sah joh ding ahi. Jinu le jipa hi khat chung a khat kingai hiding (changlhat lou ding) ahi. ‘Kei’ kitina chu geldoh tah lou ding tina ahi. Eima kisuhmil a, khat in khat khohsahna chu jinei hi ahi. Old Testament a themgao Amos in, “Kihou toh masa louva mini khol-jin khom

Herod lengpa min akisune. Ama hi John Baptist (mi Baptise anabol John) lol tanpa Herod Antipas chu anahi.

4. Golan Heights a Tel Dan kiti mun a, Israel te leinoin lai (archeologist) hon, malai milim helsi songpheng neo khat amudoh un, achunga chun Aramaic lekhajem in, ‘Israelte leng’ (King of Israel) kitile ‘David Insung’ (House of David) tin ana kisune.

5. Solomon hou-in kijepna, saihaa kona kitem kolbuthei changho aki laidoh in, 1 Kings 6 a kisei banga, hou-in jepna thil ahin, achunga chun ‘Jehovah hou-in dia kitem, thempu ho dia thil theng ahi’ tin akijih-e.

6. Hebrew ten Canaan gam ahin lah uchun Hazor khopi chu asuchim un, hiche thu hi Joshua lekhabua akisunin ahi. Israel ten hiche khopi chu ana halvamu ahi (Joshua 11:10-11). Tua leinoin lai hon amudoh dan uchu ahile, Joshua khang lai a hiche khopi hi Israel ten ana halmang ahi tihi ahi. Mi masa ho chendan khan tou dan ho manthai dan ho hi tua leinoin lai-a adihna holchil ho laidoh song pheng ho, ahalsi hoa kona adih na kihedoh ahitan, hichu songho tua pengjah a eiho imudoh sah-u toh kitekah ahitai.

Malai khole veng chendan holchila leinoin lai (archeologist) hoa kona Bible thusim hi adih mong nai, ti eihon ihet doh-u ahin, semthu thusim hilou, akum alha um cheh ahi, tihi isuhmil lou diuvin apha.

nam ?” tin ana sei-e (Amos 3:3). Jinei kitia hin, mi thum angai tei in ahi. Hichu numei, pasal leh Pathen, amaho thum hi insung sema apan loule boi jia ahi. Ajeh chu ji nei, ki chen kiti hi Pathen phudoh ahi. In sung khat lamdih lamphaa pui theina chihna nei Pathen bou ahin, hijeh a hi insung khat a Pathen apan tei ngai ahi.

Gari ahiloule machine khat ache tohna dia akipei dihna dia thao kinu jia, asunga thih ho akipei teng le kigot ging lheng lhung jilou ahi banga, insunga Pathen apan tengle apuije hepa apan jeh-a chu, insung chu ging lheng lhunga kigotto sao sao lou ahi. Insung khat dia thao chu Pathen ahi.

Insunga chate jong keicha nangcha tia khen lou ding, sumle pai a jong keisum nangsum um thei lou ding ahi. Kei nang kitiho hin insung ahomkhen jie. Nupa teni chu adih kichu lou ding kijato joh ding, khat in khat thu ngaipeh ding ahi. Pasal abang in ajinu chu, kajounai tin ja bol lou tah in akinahpi jin, aengbol jin, ajep jin ahi. Ama akingailut banga aheng akom ngailu lou jipa ahi jeh a chutia chu chon ahi. Nang nakingailut bangin naheng nakom ngailun, tia Jesun asehi, amapa chun adonda ahin, Pathenin gotna apeh ding ahi. Ajeh chu numei jong pasal jong Pathenin lungset tah-a akisem ahin, Pathen thilsem khat nunbol ki ti chu Pathen douna ahin, Pathenin phu alah tei ding gela gin ngai ahi. Jinu ham khat in, ajipa agin jeh-a

alunga agel khat, alung opkaina khat ajipa henga aseingam lou jong umda hen, Pathenin amani tikhat pumkhat a asem ahi. Lunggel kisei peh toding aphalam chu ipi ham ti kihou toh toh-a holkhom ding, hichena dia Pathenin Eve chu Adam dia asem ahi. Insunga lunghan jong bollou ding kampha man ding olcha chaa kihou ji ding ahi. Kinah le kipen khu ma kona thilpha konlou ahidan gel doh apha.

Jinu hihen jipa hijongle alung han ‘control’ bol thei lou ho chu mi ngol ahi. Ilung ahan tengle ‘control’ thei ahi. Thilse sosah lou ding ahi. Alung ahan teng umle bel chungu chu, uicha gancha chungu khutlha mi chun Pathen lunghanna akikou lut ahi jie. Pathenin lunghang inlang, thil se sosah in atikha poi. Ilung han teng le hiche vang satanna ahi bouve, tia kikham ngai ahi.

Ipi dia ijinei uham, tihi Bible Ecclesiastes 4:9-12 a kicheh tah in akisune. Hia hin kithokhom, ki lung set, pankhom, ahahsa ho gel khom, pohgih kipoh hu tiho aume. Tulai nupa atamjo athemjo ding akichu jiuvin, insung asuboi matchet jiuvin ahi. Nupa hi Pathen chenna thei in sung sem ding ahi. Pathen achen lou le insung chu boi tei ding ahi jeh in, Pathen toh chengkhom tei ute. Hijeh a hi Pathen lekhabin, christian chu christian toh kicheng tei hen, tia eihilu ahi. Ki oimo to, kingoh to kitiho thil pha ahipon, amavang kingaidam to thilpha ahijoi (1 Pet. 3:7).

Nuitem in, damna ahi

* Pastor khat in hou-in a thu asehi joulim in, miho koma, “Nangho lah a akidoupi ngaidam mi ijat nahi uem, khut tung un” atile akikhom lah-a akeh in bou adomui. Chuin ani vei channan oging jep in, ahin sam kit in ahile, akikhom hon akhut adom cheh tauve. Ahinla tehsepi khat in, adom poi.

Pastor pa hi akoma achen, “Idia khut dom lah a panglou nahim, mi nangaidam nomlou ham ?” tin adongin ahile amanun, “Ken kidoupi kanei poi” ahinti. Pastor pan nanga vang hi akidang lneh-e. Nakum ijat hitam, atile amanun kum 98 kahitai, ati. Pastor pa chun, kum 98 sunga kidoupi neilou vang hi mi datmo umtah ahi. Pulpit a kaltou in lang, iti dana kum hijatpi sunga kidoupi nei louva nauma ham, keiho neihin sei peh un, anati. Tehsepi hi olcha chan pulpit a kaltou in, “Ken, koima kidoupi ngaidam ding kanei poi. Ajeh chu kahing sot in, amaho abonun athitai” tin ana sei-e.

* Angailut tah uicha akivah athi phat in, Pastor khat in Pathen minin eivui pehle phante tin agelin, ui-vahpa hi Pastor khat koma anachei. Aman ka uicha hi kalungset behseh in, athi phat in mihem athile ainsung ten lung set tah a lhanmola avui bangin neivui peh in, anati. Pastor pa chun, abol nom pon, gancha thikam vui ho kom a achea avui sahna din ana hile.

Chuin adalhad konin aman Pastor pa henga, “Ka uicha hi eivui peh aumle avuiman dangka lakh ni peh ding kati ahi. Ajeh chu kainsung mi khat banga kangailut ahi” anatia ahile Pastor pa chun lakh ni aducha tan hijeh chun, “Achutile ken navui peh nange, ka uicha christian ahi, na ti lou jeh a kana hetkhel ahi, neingai damin” tin ana donbut tai.

* School khat min hi “Hinkho” tin akisah-e. Akai ho chu kum 40 lhung sa sese ahivue. Class kipat konin ojavun aminu anakouvin, “Lunghan” atile mi khat in “Kaume ojavu” atin, abanin, “Kinepna” atile “Kaume ojavu” tin mi khat in ahin donbut in, ama ho min chu aban banin, Thaset, kichat, kipana, chamna, pohgih po, lunggim kitiho hi ahivue.

Ojavun ahin hilpan tauve. Hitin asehi-e, hiche lei-a hin Lunggim aumpoi. Kipana ahung kai lou teng lunggim aume. Nathi phat a Bank a sum nadalhad chengse chu, nahinlai a nakilaset mana nana kholdoh ahi. Ana kilose hih jongle chun khohlou ahi. Hijeh chun hinkho hi nomtah a man ding ahijoi, anati.

* Nungah khat in adeichat gollhang pa henga, ikichen tengle nalungdon nalunggimna jouse kapoh hu ding ahi, atile gollhang pan, ken lungdon lunggimna imacha kanei poi, anati. Amanun ahenga, “Tua ding thu kasei poi, kichen jou hinkho ding thu kasei masat ahijoi” atin ajou thouve.

Het-a phachom ho

* Momlhun (mithai, mouth freshner) amin 'Polo' kiti khu ineh jouva, don thei Pepsi kiti khu akidon leh isung a thina gu (poison) asoh lei in akithi atiuve.

* Chini (sugar) akiha neh le cancer jat chom chom akivei-e, ajeh chu cancer nat phabep pi alhum dua kon ahi, atiuve.

* Tulai in plastic thilchunna min aha man val in, hiche hi akineh khah leh gancha, mihem thina thei ahi, ti amu doh tauve. Twi thenglou kidon, nga plastic ne ho kihon a kona kidam mo jeng thei ahi. Hijeh hin, Spain gama scientist hon lungmul jat khat asem doh un, hiche lung hin plastic adua adu ahin, gamtina hiche lung hi noukeu sah din angai touve.

* North Korea a christian lakh 3 vel aume. Gam lamkai ten amaho hi ahethoh aumle amat uva, 'prison camp' atiuva akoi uva, abol genthei lseh jiu chule atha thei atha jiu ahi. Amaho gama thunei penpa joh na hou (tua Kim Jong-un ahi) diu ahi, atiuve. Gam vaipoten, 'Korean Christian Assn' kiti khat asemun, hi chu christian te kiloikhomna ahi tin aseu un, ahinla akikhom kha aumle christian ahi ahedoh un, amanjiuve. Agam uva christian umlah lou ding atiu ahi.

* Russia gama hi christian umlah lou ding atiu ahin, migam mi'n church a thu aseu thei lou ding, amaho khat touvin akihetpite insunga Pathen thu

aseu a ahile kigam ding, kino doh ding, rail bus a tou hon atoupi ho henga Pathen thu aseu lou ding, koi tobang church in gam achoh leh hou in asah thei lou ding, inveng ten christian kikhop ima aina abol leh mat ding, taona le Bible simna insung khat in anei leh Pathen houlo ho apansah lou diu, ajah sah lou diu ti hoa kikan chahna aumtai.

* 12 Class science pass hi chapang ten, abana ahinkho dia ipilam asim ding akilhena, hia chu achele apha. Engg., medical, architech, design, pharmacy, textile, IT, aeronautics, kitiho simthei ahi. Kuki chate lah a Pharmacy, aeronautics, architech, textile kiti ho sim aumlou tobang ahi.

* April, 2017 a Pune a Indian Women Theologian ho kikhopnaa chun, 'Politics of Kin-dom of God' kiti hi ana hasei lseh ui. "Kin-dom" kiti thucheng hi, theologian Ada MariaIsasi-Diaz kitinun ana minsah ahi. Ama seidanin, "We are all Kin to each other, in the family of God" tihi ahi.

* Nagaland a Zunheboto town a Sumi Baptist Church kiti khat Asia gam sunga hou-in lenpen, April 22, 2017 nin thenso ahitai. Mi 8500 tou thei ahin, mi 2000 in, kum 10 ahin sah-u ahin, dangka krur 36 alut in ahi. Alim sem (architech) hi Sema nupi Honoholi K. Chishi-Zhimomi ahin, Church dah (Bell) hi Kg. 500 agih in, akivoh ging tengle Km. 1.5 chana umhon agin ajauve.

Christian Meivah - sim te taona akiman peh jinge. Sumto kuma Rs. 100/- ahin, asim nom hon hin peuvun, sum napeh lhaa kona kum nakisim peh ahi. M.O. hin thot hon Editor kipe ding lekha beh a namin le address suntei un. Editor pu Mobile No.94355-51080 ah hin hetsah un. Manipur le Nagaland a sumto peh na thei ho :-

- 1) Mrs. Neijathem Haokip, Haokip Veng
- 2) Ms. Lhingjanem Haokip, KBC
- 3) Mr. Douzahan Guite, Dewlah Land
- 4) Mr. J. Manchong (Lunpu), KCC
- 5) Rev. Lhoukholal, Kangpokpi Missn
- 6) Mrs. Veikholam, Ideal school, ccpur.
- 7) Rev. Seikholen, Medziphema, Nagld.
- 8) Mr. Seikholun Singsit, Kohima.
- 9) Mr. Kapcha Singsit, Dimapur.

Het-a phachom ho

* Kuki Worship Service, Guwahati, March, 2017 a kona Sunday jingkah 11 a.m. kaikhom phat ahi tai.

* Japan hi agam miten Nippon atiuve ... New York khopi hi agam miten Big Apple jong atiuve ... America a Detroit khopi hi vannoi leiset a gari kitam semna pen ahi, akiti.

* Nao neilouna dia numei hon lou aneh hou khun alungthim ule atah sau atongkhai, tin Denmark scientist hon amudoh tauve. Birth Control Pills hoa konin 'lung hopna, thalhomna, blood clots, heart attack, stroke, glaucoma, gallstone, acne' kitiho akivei thei-e, atiuve.

Christian Meivah
July - August, 2017

PRINTED MATTER

To :

Editor :
Rev. M. Haokhothong,
C/o, Tingjanem Manchong
Nichols Higher Secondary School, Satribari,
P. O. Rehbari -781008, Guwahati, Assam.